

وارلیق

VARLIQ

Dil, Edebiyat, Kültür ve Toplum Araştırmaları Dergisi

İkinci Dönem. Sayı: 2021: 24(2), ss. 7-8

Telif Haqqı©Varlıq Dergisi

## سونوش

### • دوكتور محمد رضا هيئت

دگرلی آراشدیرماجیلار، سئوگیلی اوخوجولار؛

۲۰۲۱-جی ایلین ایکینجی سایبسی، ایکینجی دؤنمین ایسه ۲۴-جو سایبسی ایله قارشینیزداییق.

درگیمیزین بو سایبسیندا تورک و اسلام دونیاسیندا اؤنملی ائتکییه صاحب اولان، بیر چوخ تورک آیدینی دریندن ائتکیله یین و تاریخده ایز بوراخان شخصیتلردن سید جمال الدین اسدآبادی نین (افغانی) دوشونجه سینده دیل و میلت ایلیشکیسی، تاریخ اوزرینده دوكتور آدابی اولان بابک شاهد طرفیندن اینجه لنمیشدیر.

جلیل یعقوبزاده فرد «آذربایجان سولونون ادبی دیل و میلتی ادبیاتین اولوشومونا قاتقیسی» آدلی گئیش چالیشماسیندا آذربایجان سول آخیمی نین دیل و میلتی ادبیاتین اولوشومونداکی ائتکیسی، سول آخیمینا منسوب شاعیر و یازارلارین بو آلانداکی چالیشمالاری و باخیش آچیلاری اله آینمیشدیر.

آذربایجان علملر آکادمیسی آذربایجان ادبیاتی اوزمانی پروفیسور دوكتور سالیده شریفووا «آذربایجان ادبیاتیندا صمد بهرنگی نین بدیعی سیماسی» آدلی مقاله سینده، یئنه ادبیات اوزرینده اؤنملی ائتکیسی اولان صمد بهرنگی نین ادبیاتیمیزداکی یئری و باشقا شاعیر و یازارلارین اثرلرینده اونون یانسیمالاری اینجه لنمیشدیر.

گونوموز افغانیستاندا تورکلرین یاشادیقلاری بؤلگه لر، افغانیستان تورکلری نین مطبوعات- نشریات و سوسیال مدیاداکی فعالیتلری و تورک دیلی نین مکتبلرده و اونورسیتهلرده اگیتیم

دورومو محمد بشیر یاور طرفیندن آراشدیریلان «گونوموز افغانستان دا تورکمن تورکجه‌سی نین دورومو» آدلی مقاله‌ده اله آیینمیشدیر.

عماد حضرتی، قاشقایی تورکلریندن اولان شاعیر و یازار ارسلان میرزایی نین ادبی فعالیتلرینی، اثرلری نین تانیتیمینی و بو اثرلریندن بعضی اؤرنکلری «ارسلان میرزایی نین ادبی یارادیجیلیغی» آدلی چالیشمادا اینجه‌له‌میشدیر ■